

欽定四庫全書

古今列女傳卷三

明 解縉等 撰

欽定四庫全書

古今列女傳卷一

明 解縉等 撰

虞

有虞氏二妃者帝堯之二女也長娥皇次女英舜父頑

母罵父號音叟弟曰象教遊於嫚音舜能諧柔之承

事音叟以孝母憎舜而愛象舜猶內治靡有姦意四嶽

薦之於堯堯乃妻以二女以觀厥內二女承事舜於畎

周列國

齊義繼母者齊二子之母也當宣王時有人闢死於道

者吏訊之彼一劍音二子兄弟立其傍吏問之兄曰我

殺之弟曰非兄也乃我殺之期年吏不能決言之於相

相不能決言之於王王曰今皆赦之是縱有罪也皆赦

欽定四庫全書

之是誅無辜也寡人度其母能知子善惡試問其母聽

其所欲殺活相召其母問曰母之子殺人兄弟欲相代

死吏不能決言之於王王有仁惠故問母何所欲殺活

其母泣而對曰殺其少者相受其言因而問之曰夫少

子者人之所愛也今欲殺之何也其母對曰少者妾之

子也長者前妻之子也其父疾且死之時屬音之於妾

曰善養視之妾曰諾今既受人之託許人以諾豈可以

忘人之託而不信其諾耶且殺兄活弟是以私愛廢公

定庫書

欽四全

古今列女傳

中國書店

明·解縉等撰

古今列女傳

中國書局

圖書在版編目 (C I P) 數據

古今列女傳 / (明) 解縉等撰. — 北京 : 中國書店,
2018.2

ISBN 978-7-5149-1869-4

I. ①古… II. ①解… III. ①女性 - 名人 - 列傳 - 中國 - 古代 IV. ①K828.5

中國版本圖書館CIP數據核字(2017)第312755號

四庫全書·傳記類

古今列女傳

作者 明·解縉等撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 山東汶上新華印刷有限公司

開本 730毫米×1130毫米 1/16

印張 20.5

版次 二〇一八年二月第一版第一次印刷

書號 ISBN 978-7-5149-1869-4

定價 七〇元

欽定四庫全書

史部七

古今列女傳

傳記類雜錄之屬

提要

臣等謹案古今列女傳三卷明解縉等奉勅撰先是明太祖孝慈皇后馬氏每聽女史讀書至列女傳謂宜加討論因請於帝命儒臣攷訂未就永樂元年成祖既追上馬后尊謚冊寶仁孝皇后徐氏復以此書為言因命縉

及黃淮胡廣胡儼楊榮金幼孜楊士奇王洪蔣
驥沈度等同加編輯書成上進帝自為文序
之一卷歷代后妃二卷諸侯大夫妻三卷士
庶人妻時徐后自撰高皇后傳頒賜諸王百
官又作貞烈事實以闡幽微顯頗留意於風
教是編裒錄事蹟起自有虞迄於元明上古
多本之劉向書後代則畧取各史而以明初
人附益之採擇頗為嚴慎此猶當時內府初

刊之本為項元汴家所藏黃虞稷千頃堂書
目稱此書成於永樂元年十二月今考成祖
御製序實題九月朔旦則虞稷所記誤也乾
隆四十九年三月恭校上

總纂官臣紀昀臣陸錫熊臣孫士毅

總校官臣陸費墀

及有進朝者乃備極榮幸其時之盛可知矣
其後復有同知巡撫等官之出巡者亦必不
一九月間亦必有一縣之官出巡者亦必不
其後復有同知巡撫等官之出巡者亦必不
劉四市山平三日春蘇王
懷慶府府志
日臨其書如
其後復有同知巡撫等官之出巡者亦必不
其後復有同知巡撫等官之出巡者亦必不

古今列女傳原序

朕聞唯天下至誠為能經綸天下之大經立天下之大
本知天地之化育大經者五品之人倫也大哉經綸之
道乎而以人倫為本人之大倫有五而男女夫婦為先
有夫婦而後有父子有父子而後有君臣妃匹之際生
民之始萬福之原經訓之作皆載之首篇聖帝明王相
傳之要道豈有加於此哉是故唐虞遠矣三代莫盛於
周太王王季肇建邦家文王誕膺天命以撫方夏武王

周公脩太平之業姜任繼美如續徽音輔成闡睢麟趾
之化朕嘗求之豳風觀其習俗之美家人婦子驩然有
思粲然有文饁田畝為酒食治蠶績供衣裳以奉獻祭
實二南之權輿也及乎周南后妃貴而勤富而儉長而
敬不弛於師傅嫁而孝不衰於父母樂而不淫憂而不
傷逮下而有螽斯之祥仁厚而致麟趾之應雍雍乎熙
熙乎漢廣汝墳咸被其化端莊靜一無狎昵之私離別
告語皆忠厚之意何其盛也蓋古必有女師之官所以

教之之具委曲詳盡皆著於書周衰散佚今內則諸篇
寂寥數言而已近世有欲復古者相承述作其說浸廣
獨劉向輯古列女傳上自后妃下逮士庶人之妻惓惓
忠愛之意欲以感悟其君其意亦美矣惜其傳久散亂
南豐曾鞏已不得其詳論其乖異而曰覽者擇其是非
向之分類尤不能無議者有虞二妃而冠之母儀之篇
謂之何哉向之失不至此其亦未成之書歟朕自少時
伏覩皇考脩身齊家皇妣輔治同德訓飭整齊委曲詳

盡古人之遺意復見于今日皇妣每聽女史讀書至列女傳謂宜加討論刪定為書永作世範請於皇考命儒臣考正有緒未就皇妣違榮皇考每歎息悲傷其意竟未及成書永樂元年六月朕既上冊寶尊諡皇考聖神文武欽明啓運俊德成功統天大孝高皇帝皇妣孝慈昭憲至仁文德承天順聖高皇后纂成實錄宮壺復申皇妣之意朕不敢違乃命儒臣編次古今后妃諸侯大夫士庶人妻之事分為三卷頒之六宮行之天下俾為

師氏知所以教而閨門知所以學庶脩身者不至以家
自累而内外有以相成全體經綸之功大復虞周之盛
以知天地之化衍闡睢麟趾之風朕於是書實有望焉
永樂元年九月朔旦序

（The text in this section is extremely faint and largely illegible. It appears to be a preface or introductory text, possibly discussing the compilation or purpose of the work. The characters are difficult to discern but seem to follow a traditional vertical layout from right to left.)

欽定四庫全書

古今列女傳卷一

明 解縉等 撰

虞

有虞舜氏二妃者帝堯之二女也長娥皇次女英舜父頑

母罵父號瞽

音古

叟弟曰象教遊於嫫慢舜能諧柔之承

事瞽叟以孝母憎舜而愛象舜猶內治靡有姦意四嶽

薦之於堯堯乃妻以二女以觀厥內二女承事舜於畎

畝之中不以天子之女故而驕盈怠嫚猶謙謙恭儉思

盡婦道瞽叟與象謀殺舜使塗廩

音凜

舜歸告二女曰父

母使我塗廩我其往二女曰往哉舜既治廩乃捐

音賁

階

梯

也瞽叟焚廩舜以兩笠自扞

音汗

而下復使舜浚

詢去聲

井

舜乃告二女二女曰俞往哉舜往浚井格其出入從掩

舜從匿空

去聲

傍出時既不能殺舜瞽叟又速舜飲酒醉

將殺之舜告二女二女乃與藥浴汪

汪池也

遂往舜終日

飲酒不醉舜之女弟繫憐之與二嫂諧父母欲殺舜舜

猶不怨怒之不已舜往于田號泣日呼旻音民天呼父母

惟害若茲思慕不已不怨其弟篤厚不怠既納于百揆

賓于四門選于林木入于大麓音鹿堯試之百方每事常

謀於二女舜既嗣位升為天子娥皇為后女英為妃封

象于有庠音鼻地名事瞽叟猶若焉天下稱二妃聰明貞仁

舜陟音職方死於蒼梧地名號曰重華二妃死於江湘之間

俗謂之湘君君子曰二妃德純而行篤詩云不顯惟德

百辟音璧其刑之此之謂也

夏

啓母者塗山氏長女也夏禹娶以為妃既生啓辛壬癸

甲啓呱呱

孤音

泣禹去而治水惟荒度土工三過其家不

入其門塗山獨明教訓而致其化焉及啓長化其德而

從其教卒致令名禹為天子而啓為嗣持禹之功而不

殞

云上聲

君子謂塗山彊於教誨詩云釐離音爾士女從以

孫子此之謂也

商